



PROGRAM
JAVNIH RADOVA 2015

Sarajevo, maja/svibnja 2015. godine

SADRŽAJ

1. Osnov za donošenje, izvor finansiranja i nosioci realizacije Programa	3
2. Cilj.....	3
3. Javni radovi.....	3
4. Korisnici.....	3
5. Poticajne mjere i ciljne grupe	4
6. Raspodjela predviđenih sredstava za realizaciju Programa	4
7. Priprema za realizaciju Programa	4
8. Javni poziv	5
9. Prijava i obrada pristiglih prijava.....	5
10. Zaključivanje Ugovora o sufinansiranju.....	5
11. Pravljanje i isplata ugovorenih sredstava	6
12. Opće napomene	6
13. Kontrola i praćenje izvršenja ugovorenih obaveza	6
14. Indikatori za nadgledanje i ocjenu uspješnosti efekata zapošljavanja.....	7
<i>Ulazni podaci</i>	<i>7</i>
<i>Izlazni podaci/rezultati</i>	<i>7</i>
<i>Učinak.....</i>	<i>7</i>

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, te ciljevima iz Programa rada Federalnog zavoda za zapošljavanje za 2015. godinu, sačinjen je Program javnih radova 2015 (u daljem tekstu: Program).

Za realizaciju Programa predviđena su sredstva u iznosu od 1.400.000,00 KM.

Federalni zavod za zapošljavanje (u daljem tekstu) Zavod realizuje ovaj Program zajedno sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj

Program se realizuje s ciljem zapošljavanja/radnog angažovanja najmanje 800 osoba sa evidencije nezaposlenih sa područja Federacije BiH radi ublažavanja socijalnih posljedica nezaposlenosti, motivacije za traženje posla, te integracije na tržište rada kroz vremenski ograničeni radni angažman i društveno koristan rad.

3. Javni radovi

Javni radovi su mjera aktivne politike zapošljavanja koja podrazumjeva odobravanje sredstava za sufinansiranje zapošljavanja osoba sa evidencije nezaposlenih radi aktivnosti koje poduzima poslodavac - izvođač javnog rada, a koje imaju za cilj ostvarenje određenog društvenog interesa (npr. zaštita i očuvanje okoliša, sanacija divljih deponija, uređenje cesta, otklanjanje posljedica elementarnih nepogoda, socijalna zaštita, pomoć starima i nemoćnim osobama, zaštita kulturnih spomenika, obrazovni programi i dr.).

4. Korisnici

Korisnici Programa su poslodavci registrovani u Federaciji BiH, i to: javna preduzeća, jedinice lokalne samouprave, federalne, kantonalne i općinske institucije/ustanove koje djeluju u oblasti socijalne zaštite, obrazovanja, kulture, komunalne privrede, ekologije i turizma, kao i nevladine organizacije koje saraduju sa pomenutim institucijama/ ustanovama ili rade na programima/ projektima podržanim od drugih donatora.

Kao korisnici Programa mogu učestvovati poslodavci registrovani u Federaciji BiH koji redovno izmiruju obaveze po osnovu poreza i doprinosa, te oni koji imaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda, kao i oni na koje se odnosi Zakon o finansijskoj konsolidaciji .

Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Zavoda ili službi a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,
- poslodavci koji ne izmiruju redovno obaveze po osnovu poreza i doprinosa,

- poslodavci evidentirani u Registru novčanih kazni zbog duga neplaćenih novčanih kazni i troškova postupka izrečenih radi učinjenog prekršaja jer sa zaposlenikom nije zaključio ugovor o radu - rad na crno.

Nezaposlene osobe prijavljene na evidenciju nezaposlenih, osim onih koje je poslodavac otpustio u posljednjih šest (6) mjeseci prije dana apliciranja na Javni poziv, a prvenstveno dugotrajno nezaposlene osobe – duže od 24 mjeseca, osobe starije od 45 godina, osobe koje su napustile školovanje, osobe mlađe od 24 godine, žrtve nasilja, bivši štíćenici domova za nezbrinutu djecu, liječeni ovisnici, nekvalifikovane osobe, korisnici novčane naknade i dr.

5. Poticajne mjere i ciljne grupe

Programom su osigurana sredstva za (su)finansiranje zapošljavanja/radnog angažmana najmanje 800 nezaposlenih osoba sa područja Federacije BiH, bez obzira na dob, stručnu spremu i radno iskustvo.

(Su)finansiranje ograničenog zapošljavanja /radnog angažmana podrazumijeva osiguravanje najniže neto plaće u Federaciji BiH sa uračunatim porezom na dohodak i pripadajućim obaveznim doprinosima u trajanju od jednog (1), dva (2) ili, najviše, tri (3) mjeseca.

6. Raspodjela predviđenih sredstava za realizaciju Programa

Za realizaciju Programa predviđena je sljedeća raspodjela sredstava:

KANTON	Nezaposlene osobe (31.12.2014.)	70% od 1.400.000,00 prema broju nezaposlenih	30% od 1.400.000,00 linearno	UKUPNO
1. Unsko-sanski	46.341	115.774,23	42.000,00	157.774,23
2. Posavski	5.578	13.935,58	42.000,00	55.935,58
3. Tuzlanski	98.797	246.825,64	42.000,00	288.825,64
4. Zeničko-dobojski	70.462	176.036,00	42.000,00	218.036,00
5. Bosansko-podrinjski	3.636	9.083,86	42.000,00	51.083,86
6. Srednjobosanski	41.804	104.439,40	42.000,00	146.439,40
7. Hercegovačko-neretvanski	33.818	84.487,88	42.000,00	126.487,88
8. Zapadnohercegovački	10.974	27.416,47	42.000,00	69.416,47
9. Kanton Sarajevo	71.415	178.416,89	42.000,00	220.416,89
10. Kanton 10 (Livanjski)	9.440	23.584,06	42.000,00	65.584,06
UKUPNO	392.265	980.000,00	420.000,00	1.400.000,00

7. Priprema za realizaciju Programa

U okviru pripremne faze Programa, Zavod:

- informiše javnost o Programu osam (8) dana prije objave Javnog poziva,
- izrađuje obrasce ugovora i izvještaja o plaćanju,
- izrađuje softversku aplikaciju za prijavu na Javni poziv,
- izrađuje softversku aplikaciju (bazu) za unos podataka,
- potpisuje sa službama Sporazum o međusobnoj saradnji o realizaciji Programa.

8. Javni poziv

Zavod objavljuje Javni poziv za učešće u Programu putem sredstava javnog informisanja i internet stranice: www.fzzz.ba. Javni poziv ostaje otvoren do utroška sredstava, tj. do potpisivanja ugovora u vrijednosti raspoloživih sredstava utvrđenih po kantonima.

Osnovne informacije o postupcima, proceduri i aktivnostima iz Programa, nezaposlene osobe iz ciljne grupe i poslodavci dobijaju u Zavodu i službama.

9. Prijava i obrada pristiglih prijava

Poslodavac se prijavljuje za učešće u Programu putem web stranice Zavoda www.fzzz.ba, te u prijavu unosi svoje podatke i podatke o osobi koju namjerava zaposliti (broj osoba, stručna sprema, kanton prebivališta osobe i dr.).

Podaci o prijavama sa nazivom poslodavca, brojem i kvalifikacijom osoba koje potražuje, kao i podaci o tome da li želi posredovanje u zapošljavanju, bit će objavljeni na web stranici Zavoda i ažurirani na dnevnoj osnovi do okončanja Javnog poziva. Zavod Službi ostavlja spisak prijavljenih poslodavaca sa provjerenim podacima.

Poslodavac odmah po prijavi, a najkasnije u roku od osam (8) dana od dana prijave, radi zaključivanja ugovora, Službi dostavlja sljedeću dokumentaciju:

- isprintanu **Prijavu na Javni poziv**, ovjerenu i potpisanu od ovlaštene osobe poslodavca, koja pored općih sadrži i sljedeće podatke:
 - naziv, opis i cilj projekta,
 - opis poslova koje će obavljati angažovane osobe u javnom radu,
 - planirani datum početka projekta i trajanje projekta,
 - ukupna finansijska vrijednost projekta i potrebna sredstva,
 - partnere u provedbi projekta,
- broj računa u poslovnoj banci na koji će se sredstva doznačiti.

U specifičnim slučajevima zatražit će se dodatna dokumentacija kojom se potvrđuje opravdanost i svrha projekta radnih radova.

10. Zaključivanje Ugovora o sufinansiranju

Služba priprema tri (3) primjerka Ugovora, koje nepotpisane dostavlja poslodavcu na potpis. Uz Ugovor, poslodavcu se dostavlja popratni akt kojim se traži da uz potpisane i ovjerene primjerke Ugovora u roku od osam (8) dana dostavi:

- spisak angažovanih osoba,
- kopiju ugovora o radu,
- kopiju prijave na obavezna osiguranja u Poreznoj upravi Federacije BiH (Obrazac JS 3100).

Nakon utvrđivanja potpunosti i validnosti dokumentacije, Služba potpisuje i ovjerava sve primjerke Ugovora i dostavlja ih Zavodu, koji također potpisuje i ovjerava sve primjerke Ugovora, te zadržava jedan (1) primjerak, a ostale vraća Službi. koja zadržava jedan (1) primjerak Ugovora, a jedan (1) prosljeđuje poslodavcu.

Ukoliko poslodavac u ostavljenom roku ne dostavi potpunu i validnu dokumentaciju, smatrat će se da je odustao od učešća u Programu i u postupak se uzima prvi sljedeći poslodavac prema datumu prijave.

11. Pravdanje i isplata ugovorenih sredstava

Nakon potpisivanja Ugovora, poslodavac je u obavezi da, najkasnije do kraja mjeseca za protekli mjesec, Službi dostavlja:

- specifikaciju plaće ovjerenu u Poreznoj upravi Federacije BiH, ovjerenu i potpisanu platnu listu osobe koja se sufinansira, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.

Služba priprema Izvještaj o ispunjavanju uvjeta za isplatu poslodavcu u papirnoj formi i isti dostavlja Zavodu te o tome vodi evidenciju u odgovarajućoj bazi.

Zavod, na osnovu dostavljenog Izvještaja Službe o ispunjavanju uvjeta za isplatu, korisniku sredstava mjesečno refundira ugovoreni iznos za protekli mjesec, do isteka ugovorene obaveze sufinansiranja.

12. Opće napomene

Poslodavac može zaključiti ugovor o radu i izvršiti prijavu osobe na Poreznu upravu Federacije BiH (Obrazac JS 3100) narednog dana od dana apliciranja s tim što će se ugovor o sufinansiranju zapošljavanja zaključiti samo sa poslodavcima koji ispunjavaju uvjete Programa.

U slučaju raskida ugovora o radu sa sufinansiranom osobom, poslodavac je dužan u roku od tri dana o tome obavijestiti Službu, te u roku od osam (8) dana od nastanka okolnosti može zaključiti ugovor o radu sa drugom (zamjenskom) nezaposlenom osobom koja ispunjava uvjete za zamjenu na preostali period ugovorne obaveze.

U slučaju nezaključivanja ugovora o radu sa drugom (zamjenskom) nezaposlenom osobom obračunati i refundirati će se do tada opravdani iznos sredstava za osobu s kojom je raskinut ugovor o radu, a za eventualne ostale osobe čije se zapošljavanje sufinansira nastaviti će se postupanje u skladu sa zaključenim ugovorom.

U slučaju zaključivanja ugovora o radu sa drugom (zamjenskom) nezaposlenom osobom poslodavac je dužan u roku od osam (8) dana dostaviti kopiju ugovora o radu i kopiju prijave na obavezna osiguranja u Poreznoj upravi Federacije BiH (obrazac JS 3100).

Radi efikasnosti i ekonomičnosti realizacije Programa, sve eventualne izmjene Ugovora o sufinansiranju zapošljavanja, a koje se odnose na podatke o nezaposlenim osobama, te obračun i refundaciju do tada opravdanog iznosa sredstava za osobu s kojom je raskinut ugovor o radu, ugovorne strane prihvataju bez posebnih anexa ovom ugovoru a uz validnu dokumentaciju koja opravdava te izmjene.

13. Kontrola i praćenje izvršenja ugovorenih obaveza

Zavod i Služba će kontinuirano pratiti realizaciju ugovorenih obaveza poslodavca:

- provjerom dokumentacije koju poslodavac redovno dostavlja radi pravdanja odobrenih sredstava;
- provjerom podataka u bazi podataka Porezne uprave Federacije BiH
- prema potrebi, kontrolom provođenja ugovorenih obaveza neposredno kod poslodavca.

Ukoliko se praćenjem realizacije ugovorenih obaveza poslodavca utvrdi da ih poslodavac ne ispunjava, Zavod će pokrenut postupak raskida ugovora.

14. Indikatori za nadgledanje i ocjenu uspješnosti efekata zapošljavanja

Indikatori se koriste za nadgledanje implementacije Programa i utvrđivanje ostvarenoga učinka. Zavod i službe će provoditi monitoring i evaluaciju Programa.

Ulazni podaci

- Broj nezaposlenih osoba prijavljenih na evidenciju nezaposlenih, zaključno sa 31.12.2014. godine
- Procjena o broju osoba koje će biti zaposlene/obuhvaćene Programom
- Iznos planiranih sredstava po Programu
- Iznos ukupno odobrenih sredstava po Programu

Izlazni podaci/rezultati

- Broj aplikacija i odobrenih zahtjeva
- Struktura poslodavaca prema djelatnosti i vrsti
- Spolna, dobna, obrazovna struktura svih osoba koje učestvuju u realizaciji Programa
- Prosječan period nezaposlenosti osoba uključenih u Program
- Spolna, dobna, obrazovna struktura osoba koje su ostale u radnom odnosu
- Odobreno/ugovoreno/utrošeno sredstava po Programu
- Iznos prosječne pojedinačne intervencije

Učinak

- Broj osoba uključenih u Program koje su prethodno bile na evidenciji nezaposlenih duže od 18 mjeseci
- Broj dugoročno nezaposlenih osoba (duže od 12 mjeseci), prema dobnoj, spolnoj i obrazovnoj strukturi
- Broj osoba koje pripadaju kategoriji mladih, prema spolnoj i obrazovnoj strukturi

Datum:2014. godine

Broj: 01/1-49-...../14